

Mahkamah benar Najib, 1MDB tangguh saman berkaitan RM2.6 bilion
Malaysian Insider
Oct 27, 2015
Oleh Jennifer Gomez

Datuk Seri Najib Razak, 1Malaysia Development Bhd (1MDB) dan dua pihak lagi dibenarkan menangguhkan saman atas mereka oleh PKR untuk membatalkan keputusan pilihan raya 2013 susulan laporan wang sejumlah RM2.6 bilion ditemui dalam akaun peribadi beliau.

Dalam membuat penghakiman itu, Hakim Datuk Mohd Zaki Abdul Wahab berkata beliau setuju dengan defendan yang mereka akan menjadi prejudis sekiranya penangguhan tidak dibenarkan sekiranya mereka berjaya membatalkan permohonan tersebut.

Pada September, Mahkamah Tinggi Kuala Lumpur mengarahkan Najib memfailkan pembelaannya sebelum 1 Oktober terhadap saman yang difailkan PKR dan 5 yang lain ke atas perdana menteri, 1MDB, Setiausaha Agung Umno Datuk Seri Tengku Adnan Tengku Mansor dan Suruhanjaya Pilihan Raya.

Plaintif juga memohon untuk penzahiran dokumen daripada Najib dan beberapa orang lagi.

Tetapi, penangguhan hari ini diberikan terhadap arahan terdahulu yang mengarahkan perdana menteri memfailkan pembelaannya dan terhadap penzahiran dokumen itu.– 27 Oktober, 2015.

Copyright © 2015 Edge Insider Sdn Bhd

Source:

<http://www.themalaysianinsider.com/bahasa/article/mahkamah-benar-najib-1mdb-tangguh-saman-berkaitan-rm2.6-bilion>